

陵寢志

遵化通志卷二

界址

北分水嶺距

陵二十里

南興隆口距

陵十里

東鮎魚關距

陵十五里

西寬佃峪距

陵十五里

東抵遵化州城七十里

西抵薊州界二十里

南抵石門驛十五里

北抵邊外二十里

西南距隆福寺

行宮二十里

東北距馬蘭鎮營十五里

形勝

謹案

大清會典凡相度風水遇

大工營建欽天監委官相陰陽定方向諏吉興工典至重也

國初鼎建

東陵

聖祖親履卜定永奠鴻規嗣卜

列聖陵寢靡不特遣重臣會同監臣詳慎相度恭候

欽裁如雨儀四象之相生儼同室異宮而

聚處鍾靈獨異

眷祐獨隆蓋非擇土撥沙所能獻績而歸美矣

鳳臺山州西北七十里馬蘭峪西原名豐臺嶺高數百仞玉陛

鳳臺山州西北七十里馬蘭峪西原名豐臺嶺高數百仞玉陛

形勝

金關垣合紫微

孝陵用爲少祖山康熙二年

特賜今名

金星山特起一峰豐而不肥形如覆鐘形家目爲金星以名各

陵皆用爲特朝端拱開面有摺笏朝天之勢

分水嶺諸山即太行恆山東來正支也結爲各

陵垣局諸水夾流左右故名分水嶺層巒飛舞疊嶂騰翔形家所謂成龍山開屏列帳儼然後扈

馬蘭峪鮎魚關諸山羅城周密文筆插天巽峰秀麗勢盡西朝儼然左輔

寬佃峪黃花山諸山倉庫森羅旗山帶曜午砂迴翔勢皆東

向儼然石弼

鳳臺左水源自分水嶺流入鮎魚關南趨湯河與吉祥勝水諸
峪水合水門口入平安河

鳳臺右水源自分水嶺流入寬佃峪出右水關達興隆口西入

金源河

以上并據
劉志參修

祥瑞

謹案洪範五行傳凡屬庶徵胥由感召伏思我

朝

列聖道契苞符功成繼述至誠昭格呼吸上通故得

諸陵之符瑞畢臻日月之光華常旦祥麟在囿蓂莢舒庭

景運方長不獨堯隆千古矣

彩雲煥發

康熙十六年一

孝陵彩雲煥發從巳至午

蒼草叢生

雍正元年

孝陵蒼草呈祥鳳尾龍頭孕奇毓秀實曠古希逢盛事

謹案蒼草六叢凡三百莖謹裝漆櫃尊藏

孝陵

隆恩殿東暖閣

五雲覆護

雍正元年

景陵奉安

龍輜之日五色祥雲覆護繚繞經時不散

瑞芝疊生

雍正六年芝生

景陵五采繽紛光華燦發金英玉質迥異尋常

七年又生於

聖德神功碑側八年又年於

景陵寶山

十二年復生九芝於

景陵寶城最近山上

謹案雍正六年所產芝五本七年所產一本八年所產三本十二年所產五本敬謹分裝四篋尊藏

景陵

隆恩殿東暖閣

直隸總督李

衛恭慶

景陵瑞芝疏 欽惟

皇上

明作有為

惇大成裕

本道揆以昭法守府修事和

崇祖述而表憲章禮明樂備

九重樽俎久已靜夫堯備萬國共球莫不陳於禹甸祥麟威

鳳近畿屢著其麻徵景星慶雲遐方疊呈其瑞兆河清

海宴史不勝書歧穗嘉禾美難盡述茲蓋伏遇

景陵寶山 卷二 陵寢 祥瑞

聖祖仁皇帝

聖德神功蟠天際地

深仁至澤積厚流光

垂令緒於無疆千秋永式

聖祖上事事續承念念繼述發政施令纖微必契於

聖心布誥敷詞模楷咸徵夫

聖訓

聖祖考默會其精神在昔噶爾丹小醜陸梁

聖祖充六師而奏凱今茲準噶爾遊魂飄忽

皇上舉一怒而安民諒彼螳臂當車不過逞鼠竊狗偷之技

見我龍驤整旅遂立成獸奔魚駭之形隻騎不歸醜逆

從茲而滅跡全軍無恙邊陲羣動其歡聲惟指授皆出

廟謨悉循於

聖祖平定朔漠之方略斯呼吸上通於

帝座又錫

景陵特產瑞應之嘉祥一本挺生托靈根於白石四枝毓秀煥

異彩於紫霞左為抱而右為環蘭芽茁茁金其相而玉

其質瑞霽紛紛觀茲

眷佑之獨隆益頌

孝思之不匱臣幸際

昌期屢承

睿訓刻感
恩施之厚常懷敵愾之恩聞大捷而欣非非常聆瑞徵而歡

武功之赫耀來會同於侯甸要荒景
文德之誕敷訖聲教於東西南朔矣

直隸總督李衛恭慶

景陵瑞芝

芝四見疏臣聞王者孝格蒼穹則天華擢秀聖人德周
后土斯地寶呈祥萃彼四時芝精蔚為二秀之瑞初見

疊見知有開而必先大書特書喜旋至而立應矧當四
寅合正之歲五花之瑞雪紛飄更於三軍奏凱之時九
莖之仙苗復茁瓊枝開處四昭靈象於

景陵鵲序

傳來永慶昇平於
丹陛天人相感不爽鐫錄前後同揆若合符契欽惟

聖祖仁皇帝

聖神文武

睿知聰明

咸五登三超古今而首出

蟠天際地合上下以同流

一十六字之心傳承先啟後

六十餘年之德化浹髓淪肌我

聖上

道協清寧

功成繼述

備中和位育之盛皇極建而庶績咸熙

大顯承謨烈之隆文老敷同武功丕振

天心至誠昭格言動默契於

純孝感孚楷模敬承夫

祖訓天地之光華常旦宇宙之祥瑞駢臻捷奏西師兩階兆

羽之舞年書大有萬方慶稔黍之多用是屢產金英

孝思之不匱因而頻生瑤草昭

景福於無疆臣幸戴

恩綸隨班

慶祝仰邀

宣示端肅敬觀雲擁奇峰共嶽衡而分燦霞開瑞色合錦綸

以成章聳瓊樓玉闕之形附根靈石垂寶徹珠纓之象

托體仙葩或挺拔於一枝更盤旋於九曲高卑合序若

八紘之拱衛

神京左右聯輝似眾宿之迴環北極夫豈人巧所思議實出

天工之自然蓋

皇本

聖祖之心君臨九有斯

聖上天以

聖祖之瑞貺答

一人理所固然事誠希有臣恭逢

泰運仰贊

乾符拜舞

彤扉映觀氏安物阜颺言未簡式歌

惠普恩洋伏願
至治光昌

大化翔治

垂之史冊羣瞻地久天長

傳諸寰區共祝日升川至則茂萸莢於堯殿合春秋冬夏以
以凝麻儀鳳凰於虞廷統東西朔南而獻頌矣

鳳鳴天臺

雍正七年鳳鳴

陵寢天臺山集於峰頂高五六尺毛羽如錦五色俱備文采煥
然立處羣鳥環繞北向飛鳴

謹案以上諸瑞誠爲

列祖峻德洪功暨我

世祖憲皇帝純孝誠敬感召倍神後此

靈爽所臨嘉祥疊見

至誠昭格史不勝書惟仰

聖德謙冲不言符瑞凡茲臣庶無敢泛作頌揚矣

營建

列祖初建

山陵吉地由王公大臣敬謹相度奏定後交工部營治禮部會
吏戶兵工四部及內務府將初建

陵寢事宜具奏應設官員應揀選熟練者以俟

簡用其鑄造關防及設立官兵執事人役等均一併聲明得
旨遵辦

內閣撰擬

陵名進呈

欽定後禮部將

明樓

大殿

大門應懸牌匾及應書滿洲蒙古漢文三樣字體具奏交與各該衙門辦理後欽天監擇吉恭懸其恭懸之日禮部堂官一員告祭

几筵祭文由翰林院撰擬祭品由太常寺備辦其陵山應加封號亦由內閣撰擬奏請

欽定

遣禮部堂官一員致祭

皇帝親閱香帛俟

山陵禮畢其

山神從祀

方澤及

地祇壇應設

神牌石座交工部製造其奉

神牌從祀總俟夏至行禮

御製

聖德神功碑成奉

敕諭交部將應行典禮議奏禮部會內閣工部題請立碑方
位

遣禮工二部堂官各一員率欽天監精通地理人前往會同
總理

陵寢事務王大臣等敬謹相度興工立碑吉期交欽天監選擇

興工前一日

遣工部堂官一員告祭 后土之神立碑前一日

遣禮部堂官一員告祭